



**Quæstionum Canonicarum, In Quinque Libros  
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

**Schlüter, Georg**

**Augustæ Vindelicorum, 1702**

§. 4. Quid in desponsationibus operetur metus gravis?

---

[urn:nbn:de:hbz:466:1-73058](#)

admirativo, quod propriè solum est in parientibus ignorantiam privativam; seu privationem notitiae intellectualis, quæ non datur in leone: at justitia in suo subiecto non supponit privationem omnis injuria passiva. Radix enim obligacionis etiam justitiae, est voluntarium simplicer liberum, quod reperiri potest in subiecto pariente solum levem injuriam. Hinc multi censent, talem promissionem latroni factam (*ne occidat*) naturaliter obligare conditione impletâ, licet latro acceptum restituere tenetur vi obligacionis, quam habet damnum, in justè illatum, reparandi. Et ideo Castropalaus *cit. P. 1. tr. 2. D. 1. p. 8. n. 5. §. ad Tertium*, docet, eum (qui in justè extorquet legatum à Testatore) non posse quidem illud recipere ratione injuria, posse tamen ratione contractus, ita ut legans obligatus sit ratione contractus illi tradere; esto ratione injuria excusetur, ac exceptione illum repellere possit; quia bene stare potest; *re obligari ex uno titulo, ex alio deobligari*, cum in tali casu sit solutio solum momentanea, vel quasi.

405. Ad confirm. Resp. negari, non transferri dominium per actum, qui juris dispositione statim rescindi potest; aut etiam jure obligat ad acceptum ex tali casu deinde restituendum. Nam licet apud antiquos Theologos, ut testatur Navarr. *de Reditib. Ecclesiast. q. 2. n. 7.* (juxta sententiam communem, & revera valde probabilem) Clerici ad restitutionem tenerunt eorum, quæ de superfluis, congrue ipsorum sustentationi, in causas profanas expendebant; eorum tamen domini erant, licet dominio oneroso, nimur sub modo exponendi in causas pias. Modus autem non suspendit translationem dominii, esto vinculati ad faciendam alteri certo tempore, vel casu, restitucionem, aut translationem. 2. qui rem furtivam scienter (ignorante rei domino) cum sua sic confundit, ut confusa reddatur indistincta, totius corporis acquirit dominium; sed cum onere, alteri estimationem suæ materiæ restituendi. L. si alieni. *ff. de solutionibus*; ergo obligatio restituendi non probat, dominium non esse translatum ex tali actu, qui confert dominium, licet momentaneum; ergo ex hoc, quod quis rem metu extortam da-

*Tom. IV.*

beat restituere, non probatur nullitas contractus, sed solum rescindibilitas, vel nullitas.

Sed nec ultima ratio Tamburini placet, quæ probat, nullitatem contractus ex eo, quia alias deberet exspectari *Judicis irritatio*. Nam plura sunt, quæ vitio nullitatis laborant, in quibus tamen debet exspectari *Judicis irritatio*; ergo ex eo, quod in aliquo casu debeat exspectari *Judicis irritatio*, non recte probatur, prius non esse actum nullum: matrimonium enim contractum cum impedimento dirimenti nullum est; & tamen etiam si notoria deinde sit parentela illorum putativa conjugum, exspectari debet judicium Ecclesiæ, ut ab invicem recedant ad alia vota; ergo etiam si deberet exspectari *Judicis irritatio*, ut accipiens aliquid extortum metu restituere debeat; non sequitur propterea, talem dationem, & acceptationem, non esse nullam; cum in pluribus, quæ nulliter gesta sunt, intervenire debat *Judicis irritatio*, saltem declarativa prius, quam exinde, præsertim in foro externo, sequantur alii juris effectus.

Denique etiam illa propositio, quam antecedentis loco assumit Tamburinus: *accipiens aliquid extortum per metum, statim restituere tenetur, in vi antecedentis seu connexionis ad inferendam, nullitatem contractus per injuriam extorti, non modo non certa est, sed à pluribus negatur, ut constat. 1. ex eo, quod n. 404. tradidimus ex doctrina Castropala. 2. quia vel loquitur de obligatione restituendi taliter acceptum, urgente solum pro foro conscientiæ, vel in foro externo. Non primum; quia multi docent, contractus metu gravi etiam in justè incusso initios esse iure validos, sed solum rescindibilis per officium *Judicis*, aut exceptione metu in justè incusci, elidibilis; consequenter primum post sententiam *Judicis irritantem*; quod multo magis procedit in foro fori*

§. 4.

*Quid in despensationibus operetur metus gravis?*

Prima quæstio est, circa Sponsalia de 407. futuro, an iure naturali nulla sint, cum ex gravi metu inita sunt, inducendo naturaliter?

ter? & in hoc esse dicendum negativè constat à n. 396. quod etiam tenendum, cùm initia sunt ex metu gravi, licet extinsecūs, sed justè incusso, ut notavimus à n. 397. difficultas est, de his, ex metu gravi celebratis, quando metus cum injurya, seu injūstè est incussum ad extorquendum consensum. Castropalaus p. 1. tr. 2. d. 1. p. 12. n. 1. ait: qui dicunt jure naturæ metum gravem injūstè illatum, irritare contractum, quia continet injūstiam, & ex injūstia non posse induci obligationem iustitiae, eos consequenter dicere teneri, irritare metum levem, quia uerque continet injūstiam, sed quidquid sit de consequentiā doctrinæ illorum, qui antecedens ex illo capite defendunt.

408. Dicendum, probabilis esse, Sponsalia jure naturæ valida esse, quantumvis initia ex metu gravi cum injurya extrinsecūs incusso directè ad extorquendum consensum; ita Sanchez l. 1. bīc D. 8. n. 4. Nam talis metus nihil excludit, quod jure naturali pertinet ad substantiam Sponsalium de futuro. Potissimum enim, de quo controverti posset, est consensus requisitus; qui forte cum tali metu componi non posset; at hoc non subsistit. Nam ejusmodi metus non excludit voluntarium simpliciter; sed consensus Sponsalium de futuro jure naturali non exigit aliud voluntarium. 1. non ex hoc, quod per tales contractus injūstè extortos non possit transferri dominium, utpote subjectos oneri restitutionis. Nam hoc non obstat, repat. ex n. 405. secundò, non ex titulo, quod ex consensu injūstè extorto nasci non possit obligatio iustitiae; contrarium enim à n. 401. ostensum est. 3. non ideo, quod jus naturale non patiatur, ut quis ex iniuitate sua cum alterius gravi damno lucrum habeat. Hoc enim solum est in casu, quo damnum non forer reparabile, & lucrum iniuitatis, metum incutient, firmum esset; quod locum non habet, ubi contractus per injūstiam extorti, denuo rescindi possunt; 4. non etiam ex eo, quod talis metus promissione repugnet ratione objecti, ut patet ex seqq. nec etiam, quod tale voluntarium habeat sibi coniunctum aliquid involuntarium, ut dicemus n. 424. nec denique quod objectum promissum repugnaret ejusmodi promissioni, ut constabit ex n. 422. ergo. Et ideo

nullus contractus, denuo rescindibilis per ejusmodi metum jure naturali irritus est, sic Castropalaus p. 1. tr. 2. D. 1. p. 12. n. 3.

Dices, 1. cum P. Jacobo Illsung, qui 409. tract. 9. Thol. Prætice D. 9. de matr. q. 1. n. 2. vult, ejusmodi Sponsalia esse irrita jure naturæ, hoc argumento: Licet ille metus non repugnet Sponsalibus ratione contractus secundum se, repugnat ramen ratione objecti per ea promissi, hoc enim est matrimonium, contrahendum ex obligatione, per metum extorta. Nam unica causa matrimonii contrahendi, foret talis obligatio; hæc autem contractui matrimoniali repugnat, cùm istud exigat consensum omnino liberum à metu injūstè incusso, si cadat in constantem Vi-  
rū, & ad finem extorquendi consensum; Ergo.

Hoc argumentum quidam Recen- 410. tor sic urget; si valerent Sponsalia inter Cajum & Bertam gravi metu injusto adactam initia, tunc ea saltē initio contractus initi, & antequam Berta ea rescindi peteret, aut priusquam resiliret, obligarent aliquo modo utramque partem contrahentem; atqui non possunt ea Sponsalia ullo modo obligare Bertam, quæ metum est passa; ergo ea Sponsalia non valent. Major est certa, etiam in principiis Authorum primæ sententiae, qui docent, rum in aliis contractibus rescindibilibus, tum in Sponsalibus, eam partem, quæ ex metu contraxit, obligari quidem, sed modo infirmo, quatenus datur potestas resilendi, & rescindendi contractum, quæ potestate si nolit uti, durabit obligatio initio contracta. Et si quis nullam agnoscere veller obligationem resultantem ex Sponsalibus initio validis in ea parte, quæ metum patitur, re ipsa tolleret, valorem omnem Sponsaliorum, quæ tanquam contractus reciprocus, seu bilateralis, debet necessariò stringere utramque partem; quod patet ex intentione contrahendi, quorum neuter aliter vult obligari, nisi obligetur & altera pars. Hinc patet sensus axiomatis, quod Sponsalia non possunt claudicare: nempe in sui prima origine, in qua necessariò vel utramque partem, vel neutrā obligant; licet dein ob causas legitimas possit frequenter una pars resilire, habens tamen, si velit suā

sed potestate uti; alteram obligatam; quo  
senius dein dicitur *claudicare contractus*  
etiam Sponsalitius.

411. Minorem probat: si Sponsalia ullo modo obligarent Bertam, quæ ex metu injusto contraxit Sponsalia, deberent eam obligare (quamdiu ea non sunt legitimè rescissa) ad objectum promissum, nempe ad matrimonium contrahendum, ad quod unicè tendit promissio, & obligatio Sponsaliorum, ut per se patet; at qui est impossibile, ut in tali casu Sponsalia Bertam obligent ullo modo ad matrimonium contrahendum, ergo &c. Minor demonstratur: est impossibile, ut quis obligetur ad actum, seu contractum penitus invalidum (sive dein à jure naturæ, sive à positivo ea invaliditas profluat) ut ex terminis ricè perceptis constat; atqui matrimonium contrahendum dependenter à prioribus Sponsalibus ex gravi metu injusto initis, seu matrimonium consideratum, ut objectum prædictis contractis Sponsalitii, de quo hic loquimur, certò est actus seu contractus omnino invalidus; ergo est impossibile, ut Sponsalia prædicta obligent ullo modo Bertam, ad matrimonium contrahendum. Minoris veritas patet ex jure claro, quo irritum pronuntiatur matrimonium ex gravi metu injusto initum c. 14 & 15. de Sponsal.

412. Confirmat. 1. si objectum Sponsaliorum, quæ tale, seu matrimonium, quantum substat his Sponsalibus, fuit à jure directè irritatum, hoc ipso saltē indirectè sunt etiam irritata Sponsalia tendentia in tale matrimonium irritum; cum promissio rei invalidæ sit etiam invalida; atqui matrimonium, quantum est objectum Sponsaliorum, de quibus loquimur, nempe quæ sunt inita ex metu gravi injusto, fuit à jure directè irritatum (cum sit matrimonium substanſ gravi metui injusto, seu celebrandum dependenter à gravi metu injusto) ergo Sponsalia prædicta tendentia in tale matrimonium, quæ sunt inita ex gravi metu, dicenda sunt saltē indirectè irritata à jure.

413. Confirmat. 2. lumen naturæ dicit, nullam esse obligationem, vi cuius obligator ad præstandum quid vel illicitum, vel invalidum, seu ad naturaliter aut moraliter impossibile; atqui, si valerent Spon-

salia inita ex gravi metu, & aliquo saltē modo (priusquam rescinderentur) obligarent partem, quæ passa est talem metum, obligarent eam ad actum, (nempe matrimonium) moraliter impossiblem, utpote jure ipso penitus invalidum; ergo ea obligatio foret nulla, seu prorsus inanis.

Ante responsionem nota, eum, qui 414 facit aliquem actum ex obligatione, vel necessitate, si velit impedibili, ac justè, licetè evitabili, eo ipso facere actum. liberè libertate requisita, prout exigitur, ut quis verè ac propriè dicatur liberè operari. Nam liberè amat, qui amat, potest non amare, licet ex suppositione, quod amet, non possit non amare; quia necessitas dictæ suppositionis est mere consequens, & simpliciter libera, nimurum inducta ab ipsa libertate, quæ per actum oppositum, vel illius omissionem tolli potest, & fieri potuisset, ut non esset, si voluisset. Ex quo sequitur, si metum passo post obligationem, ex consensu per metum extorto, manet libertum, contrahere, vel non contrahere matrimonium, ex tali obligatione, istam obligationem non esse unicam causam contrahendi matrimonium; at illa obligatio, ad instantiam metum injustè passi, rescindibilis est; ergo in ejus arbitrio est, vel obligationem sequi; vel eā per rescissionem sublatā, contractum omittere; sic autem certum est, objectum (nempe matrimonium promissum) non repugnat Sponsalibus, cum iis sic non repugnet objectum promissum, quod in hoc casu est matrimonium contrahendum ex obligatione contrahenti libera, utpote tollibili, si contrahere nolit, obligatione nimurum impedibili.

Ex hoc Resp. ad argumentum in 409. 415 N. majorem cum sua probatione; vel cuius ratio clara est, quia illud nequit esse causa unica alicujus effectū, quod illum non inducit se solo, sed cum addito alio; at obligatio nata ex Sponsalibus per metum gravem extortis non inducit matrimonium contrahendum se sola, sed cum addito, ex obligatione per libertatem metum passi non rescissa, vel elisā, exceptione metū, adeoque non nisi liberè non sublatā; ergo ad id, quod additur, Resp. cum dist. obligatio contrahendi matrimonium gravi metu injustè inducta,

contractui matrimoniali repugnat, si à contrahente non sit evitabilis: Concedo; si sit evitabilis; nego majorem. Unde, quando dicitur, matrimonium exigit consensum omnino liberum à gravi metu injūtiè incusso, propositio potest habere duplìcēm sensum; primò, quòd ipse consensus matrimonialis de præsenti debeat esse immunis à tali metu; 2. quòd non tantum ipse consensus de præsenti, sed etiam consensus de futuro, atque adeò consensus Sponsalitius de futuro debeat esse immunis à tali metu: si solum velit primum? conceditur: si secundum? assumitur ad probandum, quod est in questione, & negatur, si obligatio futuri matrimonii per eum metum inducta subsit arbitrio & libertati matrimonium contrahentis, ut constat ex dictis; nō neccesitas oriunda ex illa obligatione contrahendi, in casu, quo contraheretur matrimonium eā non sublatā, foret tantum consequens, & libera tunc contrahenti.

**416.** Ad argumentum in n. 410. Resp. cum dist. maj. si valerent Sponsalia inter Casum & Bertam gravi metu injusto adactam inita, tunc ea saltem initio contractus initi, & antequam Berta rescindi peteret, aut priusquam resiliere aliquo modo, utramque partem obligarent, obligatione evitabili à metum passo, C. maj. inevitabili N. maj. distinguo min. atqui non possunt ea Sponsalia ullo modo Bertam, qua metum passa, obligare obligatione ab ipsa evitabili, C. evitabili, N. min. & conseq. Ad probationem min. Resp. distinguo maj. si Sponsalia ullo modo obligarent Bertam metum passam, deberent eam (quamdiu ea non sunt legitimè rescissa) obligare ad objectum promissum, seu matrimonium contrahendum obligatione vel evitabili per ipsam vel inevitabili, C. tantum inevitabili, N. maj. & min. si obligatio sit evitabilis. Ad demonstrationem hujus negatæ minoris. Resp. datâ majore; dist. min. matrimonium contrahendum dependenter à prioribus Sponsalibus, ex gravi metu injusto initis; seu, matrimonium consideratum ut objectum præcedentis contractus Sponsalitii, certò est actus, seu contractus omnino invalidus, si obligatio Sponsalium sit inevitabilis à metum passo in matrimonii contractu, C. si sit evitabilis, N. min. & conseq. Nam hoc

totum est in questione. Contractus enim ex necessitate contrahendi omnino liberà, ac evitabili, verè liber est; cùm contrahens eo casu contrahat pro justo suo arbitrio licet potens non contrahere, sublatâ nimirum, si velit, eā necessitate, aut ejus rescissione, aut elisione sibi licet per exceptionem quod metus causâ.

Ad 1. confirm. in n. 412. Resp. datâ 417. majore, N. min. quod matrimonium contractum ex obligatione Sponsalium, metu gravi extortum, sed evitabili per eum, quia talem metum passus est, sit irritum ipso jure nec naturali, vel divino, sic enim metum passus contrahit, potens non contrahere, & obligationem prius extortam evitare, licet, ac sine metu non contrahendo, ut constat ex dict. Ad 2. confirm. in n. 415. Resp. verum esse, etiam ex naturali lumine, nullam esse obligationem, vi cuius quis teneatur ad præstandum aliquid illicitum, vel invalidum, aut vel naturaliter vel moraliter impossibile; nego autem hoc fieri, si valerent Sponsalia de futuro ex gravi, & injusto metu inita, si ex obligatione talium Sponsalium, gravem & injustum illum metum passus deberet contrahere matrimonium, justè ac licet potens eam necessitatem & obligationem impedire ac tollere; qui enim non obligatur matrimonium contrahere, nisi sponte vel suâ voluntate, nolit ejusmodi contractum, & obligationem impedire, ac tollere, non obligatur ad aliquid illicitum, vel invalidum, aut vel naturaliter, vel moraliter impossibile; cùm possit non contrahere, ut sèpè dictum est, & licet ponas validâ ea Sponsalia, passus metum non aliter obligatur matrimonium contrahere, quam si ipse nolit sponte necessitatem, & illam ipsam obligationem impedire, ac tollere; ergo.

Instabis. 1. cum eodem: licet verum 418. sit, matrimonium secundum se, esse objectum licitum & validum, posseque etiam à Berta, quæ in Sponsalibus passa est metum, validè celebrari, modo in ipso dein matrimonio non intercedat similis metus gravis injustus; hoc tamen solum procedit, ubi metus nullo modo vires suas exerit, nec extendit ad ipsum matrimonium, & consensus non ponitur dependenter ab ulla obligatione prævia ex Sponsalibus orta; sed prorsus liberè, ac si nulla

pre-

præcessent Sponsalia; sed hoc in præsenti non contingit, ubi adest obligatio, cuius unica radix sit Sponsalia ex metu gravi injusto inita ad contrahendum matrimonium dependenter ab ea obligatio ne: probatur; si datur talis obligatio, manifestè metus in Sponsalibus incussus influeret virtualiter in ipsum matrimonium, ad quod contrahendum daretur obligatio ex metu contracta; ergo matrimonium foret nullum; stante autem hu jis nullitate, nulla quoque erit obligatio ad illud; antecedens patet; quia matrimonium poneretur ineundum dependenter à priori obligatione in Sponsalibus contracta; ergo quidquid influeret in obligationem tanquam radicem, influeret con sequenter in objectum, & effectum illius obligationis, qui foret matrimonium: at qui metus ponitur influxisse in obligationem prævia ex Sponsalibus ortam, ergo idem metus necessariò influeret in subsequens matrimonium, quod est objectum Sponsiorum & effectus.

¶<sup>1</sup>. Resp. i. ut matrimonium in dicto casu sit promissionis objectum licitum, vali dum, ac etiam moraliter possibile, non requiri, quod matrimonialis consensus ponatur independenter ab omni obliga tione prævia ex Sponsalibus orta, quantumvis extortis cum injuria, si obligatio metum passo sit evitabilis, & pro ipsis arbitrio sic adest, ut si vellet, non adest, ut constat ex dicto. Quarè Resp. datà maj. nego min. hoc ipso enim, quod metum passus, cum justè ac liceat posset rejicere contractam obligationem consentiendi in matrimonium (cum non rejicit) non jam ex illa, sed sola suâ libertate consentit in matrimonium; quin obligatio vim ullam contrahendi non liberam exerceat in consensu matrimoniale; qui enim consentit stante obligatione contrahendi, quam contrahens non curat, nec metuit, utpote, si vellet potens ab illa omnino liber esse, in suo consensu nullatenus est invitatus, nec ostendit, matrimonium sibi placere propter timorem injustè incussum; & solus iste consensus, quo quis invitatus contrahit, aut per timorem dicit, plateret, quod odit, non habet locum in matrimonio, ut dicitur c. Cum locum. 14. de Sponsalibus, ergo.

Instabis. 2. Votum simplex Religionis 420. ingrediendæ (quod est via ad professio nem religiosam, sicut Sponsalia sunt via ad matrimonium carnale) ex injusto, & gravi metu extortum, est penitus nullum, licet alia vota simplicia ex simili metu transmittantur tanquam valida; ergo idem dicendum de Sponsalibus; probatur conseq. ideo illud votum est penitus nullum, quia si obligaret, obligaret facere professionem nullam; nam obligaret ad professionem vi illius voti; seu dependenter ab eo voto; ergo sicut illud votum est coactum seu metu extortum, ita profes sio facienda vi & virtute illius voti effec professo coacta, & hoc ipso invalida c. i. de his, que vi, metu &c. nempe quod est causa causa, censetur quoque causa causati, in quod virtualiter influeret, quæ omnia cum proportione applicari possunt Sponsalibus metu extortis, & matrimo nio ab iis dependenti.

Resp. transmiso anteced. N. conseq. 421. ad ejus probationem Resp. i. N. causalem; plurimi enim docent, ejusmodi vota seu promissiones DEO factas irritas esse propterea, quod DEUS promissiones co actas, & non spontaneas, sed injustè extortas, non acceptet, non recipiens sacrificium nisi voluntarium Resp. 2. N. causalem, si obligatio ex voto per metum coacto inducta, à vovente ponatur justè, ac liceat impedibilis; in modo tali casu negatur suppositum, professionem emissam eo casu (quo voti obligatio non cogit vo ventem ingredi, nisi ex suppositione, quod ipse, licet facile posset, nolit, ab ea obligatione liberari) fore nullam, & invalidam; tunc enim non tam obligatio, quam propria voluntas voventis & causa secutæ professionis.

Deinde plura rectè, ac ex vero negabili continet illud argum. 1. enim illud votum non est via ad professionem, sicut Sponsalia ad matrimonium. Illud enim tantum obligat ad Religionis ingressum, & probationem: sponsalia vero directè obligant ad matrimonium; professio enim non est objectum directè, ac immediate promissum eo voto; 2. votum, seu missio DEO facta si valida sit, inducit obligatio nem juris divini, seu DEO acquiritur; Sponsalia vero solum obligationem juris acquisiti homini; jus autem acquisitum ho

mini facilius impediri potest, quām jus acquisitum DEO. 3. professio gravi & injusto metu extorta, probato metu facile relaxatur; non idem matrimonium etiam ratum tantum, quod jure divino est insolubile, praeferim cūm non defint, qui doceant, illud nullo jure, vel potestate humanā dissolvi posse.

**422.** Dices. 3. et si verum sit, quod Sponsalia de futuro per gravem, ac injustum, metum extorta, non sint irrita etiam jure positivo in ratione contractū; sunt tamen irrita propter objectum promissum, ut ostensum est à n. 409. nam promissio rei de futuro præstandæ, ubi validè præstari non potest; invalida est; sed Sponsalia tali metu extorta sunt promissio rei de futuro præstandæ, nimurum matrimonii celebrandi ex obligatione inducta per Sponsalia iustè extorta cum injuria gravi promittentis. Sed Resp. N. maj. cum sua probatione, cuius matrimonium sufficienter ostensum est, ex dictis à n. 415, Nam matrimonium contractum, supposita obligatione illud contrahendi, etiam per gravem, & injustum metum inducta, quæ à merī passo tolli potest liberè, non est tam causa contrahendi matrimonium etiam eā stante potius, quām libertas contrahentis liberè nolentis obligationem tolli, etiam si possit.

**423.** Ad finem hujus etiam nota, unum, alterumve Patronum hujus sententia, ad cuius fundamenta respondimus, argumentum suę probationis etiam sumere ab Authoritate extrinseca Doctorum cum ipsis idem sententium; sed advertendum huic opinioni, quæ dicta Sponsalia vult, irrita non ex eo, quod procedant ex injusto & gravi metu; sed quod tendant promissione suā in objectum invalidum & impossibile, ab illis Authoribus nullum accedit patrocinium; quia ex illis Doctoribus, ut constabit eos insipienti, pauci sunt, qui ex eo titulo afferant illorum Sponsalium nullitatem.

**424.** Dices. 4. Consensus, cui conjuncta est nolito circa idem objectum, jure naturæ insufficiens est ad contractum validè celebrandum; sed hoc sit, quando quis metu gravi iustè incusso inducit ad contrahendum; quia, si malum, quod metuitur, non esset, is, qui contrahit, nullo modo veller, sed positivè nolle; ergo

Resp. hoc arg. probari contractū etiam levi metu iustè incusso celebratos, jure naturæ invalidos esse, quod tamen communiter negatur, quia nolito illa, si quæ adeat, est inefficax; cūm ponatur in re ad 425, esse volitio ejusdem obiecti.

Resp. 2. mai. negari, si nolito tantum sit conditionata, & conditio absit; vel si non est, sed tantum esset, si poneretur certa conditio, qualiter sit in praesenti. Nam dissensus, qui non est, sed tantum esset, nihil operatur circa voluntatem praesentem. Denique tale involuntarium etiam sāpe haber, qui iustè cogitur, & ramen non obstat voluntario sufficienti ad valorem contractū.

Accedit, quod volitio alicuius obiecti per metum extorta, vel inducta, non eo ipso habeat adiunctam nolitionem, etiam in solo affectu, ad oppositum. Nam alias, qui detestatur peccatum propter penas inferni, non eliceret unquam detestacionem honestam, utpote habens sibi adiunctum affectum ad peccarum, si non essent penæ inferni; quod dici non potest; cūm talis detestatio possit esse supernaturalis; Ergo.

Questio. 2. est, quid dicendum spe- 426. ctato iure positivo. Resp. etiam iure positivo valida esse Sponsalia de futuro, licet inita ex metu gravi, iustè incusso direcete, ad extorquendum consensem; quia nullus contractus denudò rescindibilis (nisi forte specialiter exceptus sit) tali metu, iure positivo est irritus; sic Haunoldus tom. 3. de Jus. tr. 8. n. 114. & alii cum Sanchez. l. 4. matr. D. 8. n. 4. Probatur; quia nullus est textus iuris, alios contractus denudò rescindibiles, qui specialiter excepti non sunt, ipso facto irritans ex tali metu, & in oppositum iura multo clarius loquuntur. Sic promissio ejus, quod quis non debuerat, jure civili obligat, & parit efficacem actionem, quā intenditor, dare te oportere, licet quis metu coactus, aut dolo inductus promiserit. Inquit. de Except. in princip. Deinde L. fin. C. de his, que vi, &c. donationes, venditiones, transactiones per potentiam extorta, non dicuntur, nisi infirmanda; ergo non irrita prius, ibi: precipimus infirmari. Idem probari potest ex L. similier. 21. §. fin. ff. Quod metus causā. Item L. 3. 5. 7. C. de his, que vi, ac c. 2. & 4. eod. Deinde, textus

textus irritantes, qui afferri possunt, & solent ex iure Canonico, loquuntur non de Sponsalibus, sed matrimonio, quod eo casu jus naturæ, etiam in principio irritum, voluit; quia semel validum, amplius rescindi non potest, ut ait ipse P. Sanchez. l. 4. D. 19. n. 1. recte negatis, in hoc casu juramentum à matrimonio fieri posse ad Sponsalia, ut pat. ex aliis. Confirm. quia licet matrimonium, metu gravi à causa libera injuste incusso directe, ad extorquendum consensum, jure saltem positivo sit irritum, ut dicimus infra; ea tamen iuris dispositio extendi non potest ad Sponsalia de futuro. 1. quia hac non exigunt tam perfectum voluntarium. 2. iniri possunt in minori ætate. 3. semel valida, denuò rescindi possunt.

427. Dices. i. iti c. ex literis, de spons. im-  
pub. pueræ, contrahenti per metum cum impubere, datur facultas accipendi alium Virum, si noluerit expectare, ut puer pu-  
bes fiat; ergo signum est, Sponsalia valida  
non fuisse; alias ratione impedimenti  
publicæ honestatis, non datur libera fa-  
culta, cum quolibet alio contrahendi; &  
ita tenet Covar. 4. Decret. P. 2. c. 3. §. 1.  
n. 1. Sanchez. l. 4. matr. D. 19. n. 3. & alii.  
Relp. 1. trans. ant. N. conseq. 1. quia, licet  
fuisse valida, fieri potuit, quod Pontia-  
flex illis, propter injuriam pueræ factam,  
rescissi, dederit illam liberam facultatem  
contrahendi cum quolibet alio non impe-  
ditio. Nam quando utius effectus prove-  
nit, potest ab hac, vel illa causa, male ar-  
guitur ex tali effectu ad unam causam de-  
terminatæ. Deinde impedimentum pu-  
blicæ honestatis non rasci ex Sponsalibus,  
que rursus soluta sunt libero Sponso-  
rum consensu, docet Castropalaus P. 1. tr. 2.  
D. 1. p. 9. Lessius cit. D. 6. n. 38. & alii, de  
quibus supra; Sed quidquid sit de hoc.

428. Resp. 2. negando, ea Sponsalia fuisse  
invalida ex defectu consensus immunitis à  
metu injuste incusso, sed potius ex defectu  
omnis consensus, saltem interni. Cūm  
in cit. c. dicatur: nolens, & (nimis),  
ad externum consensum) invitæ, minis  
parentum impulsæ: alias enim illi duo ter-  
mini non satis explicantur, nisi dicatur  
nolens internæ, & ad consensum externum  
invitæ, ac minis parentum impulsæ. Sic  
gloss. ibid. V. De sponsati. & Innoc. ibid. in  
principi.

Dices. 2. promissio, vel solutio dotis, 429.  
per metum extorta; saltem jure positivo  
est irrita, cit. L. si mulier. §. si dos. Idem  
est de simili per injustum metum extorta  
promissione, vel traditione in rebus Eccles-  
iae. 15. q. 6. c. 1. de viu. c. 1. de his, que vi.  
de Jurisdictione. L. 2. ff. de Judic. de Au-  
thoritate Tutoris. L. 1. ff. de auctor. Tutor.  
de donatione, vel promissione merè liberali.  
Nam liberali donationi omnino repu-  
gnat coactio. Et ideo Pontius l. 4. de  
matr. c. 8. omnes contractus lucrativos  
n. 3. docet, non tantum jure naturali, sed  
etiam positivo nullos esse; quando extorti  
sunt per metum ad eum finem injuste in-  
cussum, ergo ratio conclusionis fallit uni-  
versaliter.

Resp. licet à communī regulā, quod 430.  
contractus denuò rescindibiles, non irri-  
tentur ipso jure positivo, esto celebrati  
sint per metum gravem injuste incussum  
ad extorquendum consensum, excipiatur  
promissio, vel solutio dotis. ut pat. ex cit.  
L. si mulier, ibi: si dos metu promissa sit;  
non puto nasci obligationem; nec talem pro-  
missionem dotis ullam esse. 2. promissio, vel  
traditio in rebus Ecclesiæ, ut constat ex loco  
in object. cit. 3. votum, intellige solemne,  
ut pat. ex cit. ibid. c. 1. quamvis non tam  
ex jure scripto, quam ex praxi, & consue-  
tudine, ad omne votum extendatur, quod  
DEUS Voluntarium, non coactum sacri-  
ficium acceptet; nullo tamen textu excipi  
Sponsalia de futuro; hinc subjecta man-  
tent communī regulā de valore contra-  
ctuum, denuò rescindibilium, qui non  
sunt specialiter excepti, si per gravem  
metum injuste incussum ab extrinseco ex-  
torti sunt directe ad obtinendum consen-  
sum. Neque per hoc infringitur proba-  
tio nostra, quia procedit cum exceptione;  
niisi ob alias causas, alias non communīes,  
jus positivum de quibusdam specialiter  
disposuerit.

Quæstio. 3. est, an, & qualiter Sponsa- 431.  
lia de futuro ex injusto & gravi metu inita,  
rescindi possint? Non est dubium, contra-  
ctus, denuò rescindibiles (consequen-  
ter Sponsalia de futuro) quantumvis initi  
tos cum injurya ex metu gravi directe in-  
cusso ad extorquendum consensum, rescindi  
posse. Nam qui talem metum injuste  
incussum, propter injuriam alteri factam,  
tenetur consentire in illius resiliétiam,

si ipse

si ipse læsus velit; cùm teneatur omnia  
damna illi secura ex ejusmodi injuria repa-  
rare, ac eum in statum pristinum restituere  
id, quod habetur in utroque jure. 1. Ec-  
clesiastico in c. 2, de iis, que vi Eccl. ibi: que  
metu, vel vi sunt, de jure debent in irri-  
tum revocari. ubi gloss. V. coactus, que  
per timorem, vel metum sunt, qui possit  
cadere in constantem Virum, tenent; sed  
contra hoc datur actio, quod metus cau-  
sa; Et probato metu, restituitur per offi-  
cium Judicis; & in c. 4. cod. ubi dicitur:  
que metus causa sunt, carere debent ro-  
bore firmitatis; ubi renuntiationi metu ex-  
tortæ solim firmitas, seu irrefractibilitas  
negatur; non autem robur, seu valor sim-  
pliciter. 2. jure civili L. fin. C. de iis, que  
vi Eccl. ibi: Venditiones, donationes, trans-  
actiones, que per potentiam extorta sunt,  
precipimus infirmari, ubi not. quod jura  
in his casibus non loquantur de infirmita-  
te facta sed facienda.

432. Suppon. autem, non esse omnino  
dicendum idem, de casu quo unus contrahen-  
tium; & de illo, quo alius tertius  
metum injustè incussum ad extorquendum  
consensum. Nam in hoc secundo casu  
non posset metum passus (spectato jure na-  
turali) sine consensu alterius (qui etiam  
ponitur innocens) contractum dissol-  
vere; isto titulo, quod ipse cæteroquin  
etiam innocens debeat obligatus manere;  
hac enim non sufficit, ut alter contrahen-  
tium in hoc innocens, ex alterius libitu  
possit obligationem dissolvere, cùm hoc  
innocenti damnum sit, & illius damno-  
cautum sit, per hoc, quod ille tertius, qui  
metum incussum, ipsi manear obligatus ad  
interesse. Ceterum jure positivo ad in-  
stantiam injuriam passi, contractus ille  
rescinderetur, ut habetur in L. 14. §. in  
bac actione ff. quod metus causa, ubi dici-  
tur, non obesse, tali actioni, quæ agitur  
ad rescindendum contractum, an is, qui  
convenitur, an alius metum fecerit; sed  
satis esse, quod doceat metum sibi illatum;  
Et ex hac re eum, qui convenitur, et si cri-  
mine caret, lucrum tamen sensisse.

433. Dices: legem duntas loqui de con-  
tractibus lucrativis, ut patet ex illis ver-  
bis: lucrum tamen sensisse; ergo ex data  
lege non probatur, contractus onerosos  
rescindi posse per Judicem, quando me-  
tus non est incussum ab altero contrahen-

te, & ad hunc lucrum non provenit. Resps.  
verum esse, quod textus loquatur de  
contractu lucrativo; sed quin decisionem  
fundet in lucro innocentii acquisito. Ratio  
enim succurrenti metum passis fundatur  
in eo, quod leges iniquum judicent, non  
succurrere lejis, & gravem injuriam passis  
ex aliena iniuste directè intendente  
per hoc consensum extorquere, sive alius  
habeat inde, sive non habeat lucrum.  
Loquitur tamen de lucro propterea, quod  
nolit, ut etiam innocens hoc lucrum  
habeat ex alterius tam gravi injuria per  
alium causatum in extorquento directè con-  
fensi.

Quæstio. 4. est, an valeat matrimo- 434.  
nium, si consensu, injustè per metum  
gravem à causa libera extorqueretur direc-  
tè, ad obtainendum matrimonium? Resp.  
contractus nec partium consensu, nec ullo  
humano jure rescindibiles, postquam se-  
mel validè celebrati sunt, jure naturali  
etiam in principio esse irritos, ac nullos;  
consequenter ad eos validè celebrandos;  
jure naturæ requiri consensum immunem,  
seu liberum à metu gravi, injustè extrin-  
secus incusso ad extorquendum directè ta-  
lem consensum. Sic Barbo in c. Consula-  
tationi de sponsal. Basil. Pontius l. 4. c. 14.  
n. 4. citans D. Thom. in 4. dist. 29. q. unic.  
a. 3. Scotum, & alios. Ratio est, quia si  
talis contractus jure naturali valeret, na-  
tura daret valorem actui approbatione  
suâ, ex quo longè majora mala bono com-  
muni nascerentur, quam bona ex ejus  
valore; approbaret enim actum ut vali-  
dum, ex quo indeclinabiliter innocens  
cogeretur patimatum, sepe gravissimum  
innocenti, & reo etiam ex iniuste sua  
lucrosum, quale est matrimonium perpetuò  
invitum, injustè extortum, ac directè cum  
alterius injurya gravi queatum, quod sa-  
ne foret iniquum, & nullatenus rectæ ra-  
tioni consonum.

Resps. 2. contractus prædictos, etiam 435.  
jure positivo, esse omnino irritos, ac nul-  
los. Nam ad ejusmodi promissiones, &  
contractus jure positivo requiritur vol-  
luntarium immune, seu liberum à gravi  
metu iniuste incusso extrinsecus, ad ex-  
torquendum directè talē promissionem,  
seu contractum, ut constat ex c. Cum lo-  
cum. 14. de spons. ubi expressè dicitur, quod  
locum non habeat consensus (intellige ad  
matrimoniū).

mátrimoniū requisitus; nam de hoc ibi quæstio erat) ubi metus, vel coactio intercedit. Deinde ex c. Veniens. 15. eod. ubi Rubrica habet, etiam post Sponſalia de futuro tenere Sponſalia de præſenti, nisi per metum, qui potuiffet cadere in conſtantem Virum, contracta ſint. Similiter profefſio religioſa ex metu mortis, injuſtè, ac directè ad illum finem incuſo, nulla dicitur, c. i. de iis, que vi, ubi Alexander III. ait: perlatum eſſe ad ſuam audienciam, quod, cum quidam nobilis, & potens M. uxorem ſuam ſupectam habeberet, milites ſui ejus præcepto eam ad quādam ſylvam ducentes, evaginato gladio occidere voluerunt: ſed tandem pietate duci, ſub tali conditione pepercerunt eisdem, quod in Monasterio hábitum ſuiceret Monachalem: Epifcopi verò miſſi à Viro, ut ei velum imponerent: quia juuenis erat, & filium parvulum habebat, mutationem vitæ ſuā ſupectam habentes, ſecundum conveherunt eandem, quæ rem patetaciens, quod mortis timore monaſterium intrabat, proponuit, & quod inde quādūcūque poſſet, exiret: ſed alter Epifcoporum (ut viri tyrannidi ſatiſfacere videretur) mulieri velum impone re ſimulavit: tandem Viro de medio ſublato, prædicta mulier de monaſterio exiens, alium maritum accepit: quos Gallagoritanensis Epifcopus ad instantiam fororum vinculo excommunicationis adſtrinxit: & ſuper hoc caſu resolutionem reſcribens, ait: mandamus, quatenus prædictam mulierem & Virum (recepto ſacramento, quod uestro debeant ſtarre, mandato) ab excommunicationis vinculo abſolutatis: deinde tam mulierem quam Prioriam, & moniales preſcripti monaſterii ante uestram preſentiam convocantes, ſlegitimi probatum fuerit, non timore mortis prædictam mulierem religionem intraffe, aut quod fecit, poſtmodum ratum babuiffe: ipsam ad monaſterium redire; & habitum depositum reassumere cenſurā Eccleſiaſticā compellatis. Ex qua de- cione per contrarium ſenſum aperte concluditur, quod à nobis dictum eſt.

436. Et idē recte concluditur, ad conſenſum, quo inducitur obligatio na- turalis, que ſemel valida, dein humano jure reſcindi non pothe, etiam jure po- ficio non ſufficere voluntarium ſimpli-  
Tom. IV.

ter, ſed requiri actum immuinet à metu gravi, cum alterius injuria, extrinſecus incuſo eo fine, ut talis conſenſus extor- queatur. Ratio eſt ex priori numero; quod verum eſt, ſive metus ab uno con- trahentium, ſive ab alio ſic incuſus ſit;

437.

directè ad extorquendum conſenſum. In utroque enim caſu conſenſus deficit à li- bertate ad talem obligationem jure poſiti- vo requiſito. Dices: ergo idem dicendum eſit de contractibus, initis ex injuſto metu levi. Resp. negando illatum; nam licet con- neant quoque injuriam, hæc tamen levi eſt, & ab homine conſtantī contemni po- tius, quā curari debet; præſertim cum comodum naſcens ex irritatione talium contractuum non præponderet malis, & inconvenientibus ex illa. Cū enim ejusmodi metus, & injuria leves frequen- ter in talibus contractibus interveniant, plurimi & frequentissimi contractus, ho- die communi ſenſu validi, forent irriti, aut irritable, facile alligato metu levi; quæ mala non ſequuntur ex irritatione ex injuſto metu gravi. Cæterum qui dicunt ex voluntario per injuſtitiam extorto non poſſe naſci obligationem iuſtitiaz (quod ex injuſtitia naſci non poſſit obligatio iuſ- fitia) omnino videntur idem dicere de- bere de metu levi, & admittere illatum, ut notavimus n. 407. at assertio noſtra non procedit ex hoc fundamento: ſed necesse idem dicendum eſt in prædictis contractibus, qui ſemel validi non poſſunt reſcindi, licet dolo malo ſint initi; quia ſimiliter bonum irritationis, proveniens deceptis, non præponderat inconvenien- tibus ſecuturis ex illa. Rarissimum etiam foret matrimoniū, quod non ſubjice- retur declarationi nullitatris ex dolo dete- ſto; quia dolis ſunt longè frequentiores metu gravi, ac injuſto; ſunt occulti, & la- tentes communiter, non autem metus; hominesque ut libidinem ſuam explerent, in matrimoniū contracta, miſcerent do- lum in re gravi, ut recte not. Haunoldus tom. 3. de Juſt. tr. 8. n. 111.

Dixi: contracta irrefcindibiles, jure 438:  
naturali eſſe invalidos, qui celebrantur per conſenſum, à cauſa libera, ex metu gravi injuſtè, ac directè extortum cum injuria, ab ipſo contrahente. Nam ſi metus ab alio, quam à contrahente incuſus eſt, non hoe

P

438.

fine, ut extorqueatur consensus; sed pluvè alio, contractus etiam irrevocabiles, postquam semel validi sunt, valent, si metum passus, consensit, ut per hoc evitaretur malum, quod metuitur. Ratio est, quia in tali casu metum passo nulla patrocinatur ratio ipsum eximens à valore obligationis. Non injuria per contrabentem illata; quæ supponitur nulla; non illata per tertium, quia hac non est facta directè, seu eo fine, ut extorqueatur consensus; ergo quoad hoc contra innocentem, vi talis injuriæ à tertio illata; non est restituendus: & aliunde inter casum metus in justè illati eo fine, ut extorqueatur consensus, & alterum metus pariter in justè illati planè ex alio fine est magnum discrimen. Nam in primo casu nullitas matrimonii v.g. per se loquendo efficaciter retundit finem directè quæsitus à metum incutiente; non in secundo, cùm metum incutiens in secundo casu eum finem per se non querat, & intendat, & ideo natura, volens efficaciter sublatas ejusmodi injurias, directè quæsitas ex illo contractu, merito induxit pro primo casu nullitatem; secus, in secundo. Eu, ideo votum (v. g. religionis) ex metu mortis, vel diuturnæ captivitatis subeundæ apud Barbaros, per in justè persequentes hominem causâ fidei, secutæ liberatione, tenet, licet emissum sit ex gravi metu in justè incusso, sed non ex fine extorquendi votum; similiter, si captivus apud Turcam, vel alijs, certò occidendum cum summa injuryia, iniret matrimonium cum illius hominis filia, occultè Christiana, certam liberationem spondente, si eam duxerit; contractus teneret secutæ liberatione, licet puellæ parens metum mortis non incusserit eo fine: quia scilicet ipse metum passus ejusmodi contractum elegit, ut medium efficax evadendi malum ab hoste impendens, qui ad hoc, ex ejus intentione, metu illius cogeretur. Si autem dicas, illos contractus naturâ irritos voluit, ex quibus, si semel validi, rescindi non possent, innocens invitus cogeretur damnum indeclinabiliter pati; sed hoc contingit etiam in casu, quo tale damnum illis eveniret ex consenu, per metum gravem, & inustum extrinsecus incussum, licet ad eum finem, consensum obtinendi, incussum non sit; ergo.

Resp. maj. esse veram, si metus incutitus eo fine, ut extorqueatur consensus, qui annexum habet malum, quod innocens etiam invitus indeclinabiliter pati debet. Nam finem ab incutiente metum directè quæsitus, & innocentis irreparabiliter noxiom, natura admittere nec voluit, nec debuit consequibilem jure, alias enim natura voluisse innocentis damnum irreparabile, & hominis injusti iniquitas maximum haberet illūc, si natura talem consensum, in justè extortum, validum, esse voluisse. Quare dist. maj. illos contractus naturâ irritos voluit, ex quibus innocens invitus deberet damnum pati, quod sequitur ex consensu directè per in justiam extorto. C. secūs N. maj. cum min. & conseq.

## ARTICULUS IV.

### De divisione matrimonii.

Principia divisio matrimonii est in le. 439. gitimum, Ratum, & consummatum. His varias matrimonii species annumerat Pèreira in Elucidario a. n. 1671. nempe; matrimonium de jure, id est, validum; & matrimonium de facto, quod scilicet contrahitur invalidè, ac nulliter; 2. matrimonium Feriatum, quod idem valet, atque confractum; solutum, quod fit morte, vel divortio; Redintegratum, seu reconciliatum, idem sonans, a renovatum; occultum, quod scilicet probari non potest; & sic non sumitur, prout distinguuntur contra publicum, sed prout distinguuntur contra plenè probabile; 3. matrimonium clandestinum, quod clam fit, de quo dicimus infra: coactum, quod fit per consensum coactum, seu extortum, de quo jam egimus; conditionatum; quod sub conditione contrahitur, de quo agemus tit. 5. per Coemptionem; cùm Vir & Uxor se invicem coemperint; prout apud antiquos in usu erat: Matrimonium ad Morganaticum celebratum &c.

Similiter nuptiae multiplicem habent 440. appellationem. Nam aliae sunt acerba, quæ factæ intra tempus luctus subjacent pœnæ; Justæ, seu legitimæ, in quibus nihil lege, aut jure desiderari potest; Incestæ, quæ contrahuntur inter consanguineos collaterales, vel affines; Nefarie,

qua